



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

Ad Fabium Chisium Episcopum Neritonensem, Innocentii X. Pont. Opt.
Max. cum potestate Legati de latere Nuntium, & Pacis inter Europae
Principes conciliandae Mediatorem, Monasterii Westphalorum, cùm ...

urn:nbn:de:hbz:466:1-11215

A D

FABIUM CHISIUM

*Episcopum Neritonensem, INNOCENTII X. Pont.
Opt. Max. cum potestate Legati de latere Nun-
tium, & Pacis inter Europaë Principes concilian-
dæ Mediatorem, Monasterii Westphalorum, cum
auctor illic per estatem ageret, An. M. DC. XLVI.*

FABI, sinistro jam nimium diu
Depraliantum Numine Principum
Deleste pacator, suumque
Orbis in exitium ruentis
Spes fida, nec non Palladis, ac novem
Decus Sororum, perge tuis, precor,
Suadere Musis, aureamque
Exilio revocare Pacem.
Gaudent amoris foedere mutui
Pax & Camœnæ. Tuta placet quies
Utrisque, nullo classicorum
Rupta sono, tonitruque belli;
Et quæ sacrarum Cecropis arcum
Regina claris præsidet artibus,
Utrimque communes olivæ
Vendicat ingeniosa Pallas
Cum Pace ramos. Tam bene convenit
Cum Pace doctis Vatibus, & Tibi,
Quem prima fulgentis metalli
Sæcla jubet renovare Pacis

Co

C O L U M B A ¹ miti germine Palladis;
 Quem signa Q U E R C U S inclyta C H I S I A
 Ramis decussatim ligatis
 Vincla monent reparare Pacis.
 Quin ergo nostris finibus ad Getas
 Martem repellis: nam Deus omnibus
 In nos obarmavit nocendi
 Artibus, insidiisque Martem,
 Lethumque, & atris Efuriem genis:
 Et ponè scissis Tisiphonen comis
 Subire jussit, cladibusque
 Innumeris cumulare clades.
 Non antè Virtus oppida, non agros
 Cornu reviset Copia divite,
 Non ante Strages, & Malorum
 Mille procul fugient catervæ.
 Quis pace gaudet sanguine civium?
 Quis pace luget militiæ gravis
 Tributa? vicorumque mœstis
 Funeribus, viduisque campis
 Illacrymatur? nec potius mero,
 Cantuque curas & fide Teiâ
 Sub hospitali fallit umbrâ,
 Quà vitreæ fuga ludit undæ,
 Aut quà jocosis lenè Favonis
 Impulsa quercus garrula proximam
 Quercum salutat, sub virenti
 Trifitiam tumulat sepulcro?
 Tunc lœta culmis arva feracibus
 Stipata rumpunt horrea frugibus,
 Nostrâque mercator Batavus
 Messe suas onerat carinas.

R 5

Tunc

¹ Insigne domus Pamphilij, ex qua ortus Innocentius X.

Tunc uva certat plurima purpuræ,
Pomisque vinctus tempora mitibus
Autumnus, ad plenum beatas
Fundit opes avidis colonis.

A D
AMICOS GERMANOS

*in Italiam Bonn& proficiscens, An. M. DC. LII.
incunte Aprili.*

IMUS in Ausoniam: pressis jam pugnat habenis,
Iterque læto poscit hinnitu fremens
Cyllarus, impatiensque moræ pede spargit arenam,
Prætervolare gestit & cursu Notos.
Imus, & assueti Dircaeō sidera cygno,
Phœbique sacrum Pegaso vecti nemus
Visere, jam mediis insertas nubibus Alpes,
Quà fabulosam stravit Alcides viam,
Aut, quà Pœnorum ductor juga rupit aceto,
Flammisque cautes torridas ferro scidit,
Scandemus celeres; nec post discrimina terræ,
Tumultuosos Adriæ fluctus maris
Securi Venetâ metuemus frangere cymbâ,
Delphine Arion si natat tutus suo.
Nunc igitur dilecta domus, Fratresque, Sororesque,
Et vos, Nepotes, dulcis ætatis rosa,
Fürstenbergiacæ memores virtutis Iüli,
Valete, nostri generis optatum jubar.
Vivite cælestes animæ, meliore metallo
Certam trahentes sæculi primi notam,

Q128